

## AGENDRE MIGU FÖNA WAMAKAO YESU MINGGU, 08 FEBRUARI 2026

### 1. FANGOWAI BA FOGAONI

*(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).*

**Fangowai** :

**SA** : Ya'ami banua Zo'aya ni'omasi'ö ba döi Yesu Keriso, no tarugi migu nifotöi migu föna wamakao Yesu. Töi migu ma'ökhö andre, ya'ia da'ö<sup>1</sup>: . Sexagesima, eluahania “ngaluo si 60, föna wemaoso Yesu” Ma'owai ami, ba döi Zo'aya ya'ita Yesus Keriso, Ya'ahowu

**SATO** : Ya'ahowu !

**SA** : Ya faofao khömi Lowalangi...

**SATO** : Ya fao Khöu Geheha-Nia

**Fogaoni** :

**SA** : Da ta'owuawua'ö dödöda wangondrasi Yehowa, da ta'omusoi'ö dödöda ba wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 28**

### 28. FOLAKHÖMI LOWALANGI 1

do = a 4/4

MM = 88 - 96

1. Folakhömi Lowalangi: Ama, Ono, Eheha.

Si Samösa Tölu Ia, no moroi ba mböröta.

Haleluya, Haleluya no moroi ba mböröta.

2. Folakhömi Lowalangi: no Razo Solomasi.

Lowalangi sangöhöli, sangorifi fefu soi.

Haleluya, Haleluya sangorifi fefu soi.

### 2. FANGA'ARO'Ö WA'OWULO (VOTUM)

**SA** : Da tahonogö dödöda ba wariawösa, ba ba wa hasambua khö Lowalangi, **(Muzizio zato):**  
No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

**SATO** : YADUHU

**SA** : Fökhöda nilu'i-Nia ba no Ihare'ö khö-Nia zafökhö khöda; ba ba dödöda, ba ni'otu'ö Ia, nibözibözi Lowalangi ba nifakao. Ba no lalöda sa mbörö, wa tefesokho Ia, ba horöda mbörö, wa terasa Ia. Ya'ia zolu'i huku, ena'ö sohahau tödö ita, ba moroi ba zokho-Nia, wa no döihö wökhöda<sup>2</sup>. **HALELUYA.....**

**SA** : **Manunö** : BZ. : 452  
**Haleluya..... Haleluya..... Haleluya.....**

**SA** : Mangandrö ita :  
He Yehowa Lowalangi, Ama sahakhö tödö ba sebua fa'omasi. Lö Ötehe tekiko ndra'aga ba horöma. No Ölulu nono-U omasiö ba danga zokhö horö: te'o'aya, tefakao, teforöfa ba mate börö horöma; ena'ö falukha ndra'aga wangatulö ba fa'auri si lö aetu. Ya Eheha-U Ni'amoni'ö zangabölö'ö ya'aga, ena'ö si tedou ba saro ba lala wamati, ba lö faröi ndra'aga irugi gamozua götö danö andre. Yaduhu. **(Mudadao zato)**

### 3. MANUNÖ moroi ba Mbuku Zinunö Numero 215

#### 215. ALIMAGÖ WA NO SARÖRÖ

Lala : Na Hönö Mbawagu Ena' ö ( No. 4 )

do = f 4/4

<sup>1</sup> Mu'obini daroma li Lowalangi molo'ö töi migu ba perikopen

<sup>2</sup> Taroma li bö'önia tola mufaigi ba nga'örö nifaogö si sara faosatö si-IV.

MM = 96 - 104

1. Alimagö wa no sarörö, ndra' o ba zi no numalö.  
Amaedola nono selungu, saröu ba ngai zondrorogö.  
U ' andrö khö-U he So ' a-ya, ha-gai-ni-do E - he-ha-Mö.
2. No oya zi möi tahataha, wangondrasi fogaoni-Mö.  
Fefu gomasiö dödögu, isaisido ba wolo' ö.  
Fahöna wamini tödö, ba fangosiwawöi li-Mö.

#### 4. FOMBASO TAROMA LI LOWALANGI FAMÖRÖGÖ (AF)

: Da tafondrondrongo daroma Li Lowalangi, tehalö moroi ba zura **Sinunö 37:22-26**

22. Nifahowu'önia sa zokhö tanö dania, ba ni'elifinia, ba nihori.
23. Yehowa sa zangabe'e'ö ahe niha, na omasi ia nitörönia.
24. Na alau ia, ba lö adölö ba danö, ituwu sa dangania Yehowa.
25. Me iraono ndra'o föna ba me satua ndra'o ma'ökhö, ba lö urai u'ila, numana zatulö tödö, ba lö urai u'ila mangandrö gö ma'uwunia.
26. Lö mamalömalö wa'oböwönia, ibe'ebe'e nifalali, ba nifahowu'ö ma'uwunia.

Simanö daroma Li Lowalangi, da tatema'ö faoma sinunö: BZ.Numero 20:1

#### BZ. No: 20. MISUNOSUNO ZO'AYA

do = g, 4/4  
MM = 96 - 104

1. Misunosuno Zo 'aya, mi bè zumange-Nia.  
Mi 'ebua 'ö döi-Nia, sotöi banua-Nia.  
Me no Ikaoni göi ami, afu mitemawa'auri, khö Yesu, Sangorifi.

#### 5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia, fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

#### Mangandrö ita :

Masuno ba ma'angaröfi li Ndra'ugö Yehowa, Ama khöma si so ba zorugo, ba khö Yesu Keriso sangorifi. Ma ondrasi Ndra'ugö ba nahia ni'amoni'ö Ya'ugö si fahöna fa'ahakhö dödö andrö. Mafaduhu'ö wa tenga si nangea ndra'aga tanö föna-Mö, me no fahöna horö si no mafalua, he ba wehedema, era'era dödöma, awö gamuatama si lö faudu ba daroma Li-Mö. Andrö möiga khö-U ba wangandrö fa'ahakhö dödö-U, ena'ö Ö'efa'ö khöma horöma andrö, irege sohahau tödö ndra'aga wanohugö fekolima ba zi so fönama ba wamalua somasi Ndra'ugö. Hakhösi dödö-U khöma Ama, ba be'e aefa khöma horöma andrö ma'afefu. Yaduhu.

SATO

: Manunö : BZ. Numero 224 : 1

#### 224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu  
U'ombakha'ö ngawalö horögu, mo lala dödö.

SA

: **Turia Wangefa horö** : "Utayaigö golalöwamö, si mane lawuo, awö horöu, si mane sau. Tema fuli'ö khö-Gu, me no U'orifi ndra'ugö.  
LAKHÖMI KHÖ LOWALANGI SI YAWA.....

SATO

: Manunö:

#### 450. BA FA'ATULÖ BA GULIDANÖ

do = d 4/4  
MM = 74 – 84

1. Ba fa 'a tulö ba gulidanö ba niha ni'omasi 'ö andrö  
**(mudadao zato)**

## 6. FOMBASO TAROMA LI LOWALANGI FÖNA HUHÜO (AB)

: Da tafondrondrongo daroma Li Lowalangi, tehalö moroi ba zura **Efeso 1:3-10**

- 3) Nisuno Lowalangi Zo'aya ya'ita, Yesu Keriso, Amania, si no mamahowu'ö ya'ita, fefu ngawalö wamahowu'ö Geheha andrö, ba zorugo, ba khö Keriso.
- 4) Itörö wanutuyunia ya'ita, ba khönia andrö, föna wolata tanö, ena'ö sohauhau ita, si lö sinegu, fönania.
- 5) Moroi ba wa'omasinia ita, wa no ihönagö ihonogöi, ena'ö ono ita khönia, moroi khö Yesu Keriso, dali zomasi ia, nilau dödünia;
- 6) ba wanuno lakhömi wa'ebua dödünia, ni'amualagönia khöda, ba zomasi ia andrö.
- 7) Ba da'ö so khöda wangöhlöli andrö, ba ndronia, fangefa lalö andrö, dali wa no a'oi so wa'abua dödünia,
- 8) nihönania fangoroma'ö khöda, ba ngawalö wa'atuatua fefu, ba ba ngawalö wa'aboto ba dödü,
- 9) noa sa ibokai khöda zi no tobini andrö, nilau dödünia, dali zomasi ia, nihonogöinia tödünia,
- 10) nifatörönia ba ginötö ndröfi andrö, ba wamarahugö fefu, hadia ia, ba khö Keriso, he si so ba zorugo, ba he si so ba guli danö, ba khönia.

Ya'ahowu zamondrongo taroma li Lowalangi ba same'e ba dödü.

**SA+SATO** : Yaduhu

## 8. FASÖMBATA

**SA** : Iada'e tebe'e khöda ginötö ba wolohe fasömbata khö Lowalangi. Ta'osamuzaigö wame'e, he fasömbata si föföna, ba simanö göi zi mendrua awö zi medölu, sifao fangowuloi ame'ela Persembahan Kasih. Ba si föföna ua da tafondrondrongo Li Lowalangi me imane:

- ❖ Ba da'ö niwa'ögu: Na so zangatalisi tanömmö, ba lö oya'oya ibasi, ba na so zi lö alimagö tanömmö, ba oya göi ibasi dania. Ba balazi dödü zamösana; böi abu dödü, ba tenga niforege; si no aoha gölö fame'e, da'ö sa zomasi Lowalangi. (II Kor.9:6-7).

Tafa'ema wasömbata khö Lowalangi, manunö ita moroi ba Mbuku Zinunö  
**Numero 257**

### 257. DA MA' OHE KHÖU ZUMANGE 1

do = d 4/4  
MM = 69 - 74

1. Da ma ' ohe khö-U zumange fasömbata soroi dodo föfö mbuala-Mö khöma ba zilalö.  
*Reff:* Ma be' e khö-U wasömbata fangebua mbanua-Mö.  
Tema ia ba wa ' omasi-Mö So ' aya.
2. Da ma ' ohe khö-U zumange fasömbata soroi dödü.  
Botoma ma' asambua niwöwöi-Mö  
*Reff:* Mabe' e khö-U wasömbata ....
3. Da ma ' ohe khö-U zumange fasömbata soroi dödü.  
Nosoma ba fa' aurima soroi khö-Mö.  
*Reff:* Mabe' e khö-U wasömbata ....
4. Da ma ' ohe khö-U zumange fasömbata soroi dödü.  
Tödö ba era' erama no ta' unö.  
*Reff:* Mabe' e khö-U wasömbata ....

5. Da ma' ohe khö-U zumange fasömbata soroi dödö.  
inunö ba fangandröma no oi ambö.  
*Reff*: Mabe' e khö-U wasömbata ....

**SA** : *Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö ( irama lagu ).Fatua lö möi ira wolohe föna, ba imane Sangai Agendre:)*  
"Da tafasao wasömbatada andre föna Lowalangi,.....Muzizio ita fefu.....  
Manunö ita moroi ba Mbuku Zinunö numero 261

## 261. YA'E ZUMANGE <sup>3</sup>

do = d 4/4

MM = 62 – 68

*Ira'alawe*

1. Ya ' e zu-ma-nge fa-sömbata, ma ' o-he sumange Yehowa.  
*Iramatua*  
*Reff*: Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.  
*Reff*: Ma'andrö khö-U ....
3. Ya'e zumange fasömbata buala si'otarai Nama.  
*Reff*: Ma'andrö khö-U ....
4. Ya'e zumange fasömbata, boto, noso, ba fa'aurima  
*Reff*: Ma'andrö khö-U ....
5. Ya'e zumange fasömbata, lö irugi zomasi dödö-U.  
*Reff*: Ma'andrö khö-U ....
6. Ya'e zumange fasömbata, ma'aohasi gölö Zo'aya.  
*Reff*: Ma'andrö khö-U ....

**FANGANDRÖ** : *( Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni' owuloi andrö )*

## 9. KOOR/VOKAL GROUP

**SA** : Da tafaogö dödöda ba wanuno Lowalangi faoma sinunö ni'olohesi:  
Koor ba Vokal Group  
a. Koor Jemaat  
b. Kegiatan Kom. Bapak,  
c. Kegiatan Koremda  
d. Kegiatan Sektor 2  
e.

## 10. MANUNÖ

**SA** : Da tafa'anö dödöda wamondrondrongo taroma Li Lowalangi, manunö ita moroi  
Ba Mbuku Zinunö **numero 163**

## 163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö.  
Taroma li-Mö si möi fangabölö utema 'ö soroi ba dödö, tolo ba wolo' ö.

## 11. HUHUA SEBUA

**SH** : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö

ita.....Yaduhu.

- a. Fombaso taroma Li Lowalangi *I Mpoze/Kejadian 12:1-5 (Tuho:Twfahowu'õ Ena'õ Tobali Howuhowu / Diberkati Untuk Menjadi Berkat)*
- b. Fanuriaigö
- c. Nitano ba dödö. *I Moze/Kejadian 12:2 (Ba ubali'õ soi sebua ndra'ugõ, ba Ufahowu'õ ndra'ugõ, ba U'ebua'õ döimõ ba tobali howuhowu ndra'ugõ. / Aku akan membuat engkau menjadi bangsa yang besar dan memberkati engkau serta membuat namamu masyhur dan engkau akan menjadi berkat.)*
- d. Fangandrö Fanga'aro'õ huhuo

**SATO** : Manunö : BZ. Numero 154 : 1

### 154. NO MAFONDRONDRONGO LIU<sup>4</sup>

do = es 4/4

MM = 96 - 104

1. No mafondrongo li-U, Lowalangi So' aya.  
Tanö ba dödöma ia, fa böi olifuga.  
Fahowu'õ ia khöma, ena'õ ohahau dödöma fefu.  
Heta ba dödö zi lö sökhi, ma'o'õ niwa'õ-U.

### 12. TUHO WAMATI

**SA** : Me notarongo daroma Li Lowalangi, ba da tafaogö Lida wamaduhu'õ famatida Ya'ita niha Keriso föna Lowalangi, muzizio ita fefu.....endronga lida

- SA+SATO** :
- ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
  - ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'õ, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'õ mangawuli Ia dania ba wanguhuku niha sauri, awö zi no mate.
  - ❖ Ya'o mamati khö Geheha Ni'amoni'õ, ba ufati ha sambua mbanua ni'amoni'õ, fefu niha Keriso, fa'awösa niha ni'amoni'õ, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

### 13. ANGOMBAKHATA BA MBANUA NIHA KERISO

**SA** : Da tafondrongo gangombakhata:.....

**MANUNÖ**

**SA** : Manunö ita moroi ba Mbuku Zinunö **numero: 256 ayati 1-2**

### 256. YESU SO' AYA ZONDROROGÖ<sup>1</sup>

do = bes, 4/4

MM = 88 - 96

1. Yesu So' aya zondrorogö, ya' ugö ba döröwamö.  
Irege wangawulimö, Yesu So' aya zondrorogö.  
Ba wanörö ulidanö, ha Yesu we' e-we' e dödö.  
Ba wanörö ulidanö, Yesu So' aya zondrorogö.
2. Yesu So' aya zondrorogö, tanga-Nia zomba' agö.  
Iföwö fefu nudumö, Yesu So' aya zondrorogö.  
*Reff.* Ba wanörö ulidanö, ....

### 14. FANGANDRÖ SALAHI + FAMATENGE + HOWUHOWU

## 6

- SH** : Muzizio ita fefu, mangandrö ita :.....(tetohugö) : Ba döi Zo'aya ya'aga Yesu Keriso, Si no mamahaö ya'aga ba wangandrö mamane :
- SH + SATO** : He Ama khöma siso ba zorugo, ya te'amoni'ö döi-U. Ya tobali banua-U fefu niha, Ya itörö zomasi ndra'ugö, hulö ba zorugo, ya si manö göi ba gulidanö. Öma sirugi ma'ökhö be'e khöma ma'ökhö andre. Ba efa'ö khöma horöma, si mane fangefa'öma sala ba zi so sala khöma. Böi ohe ndra'aga ba wanandraigö, efa'öga ba zi lö sökhi. Me ya'ugö zamatorö banua-U, ba sokhö fa'abolö, awö lakhömi, irugi zi lö aetu. Yaduhu
- SH** : **FAMATENGE + HOWUHOWU** :  
Mi'angawuli si fao fa'ohahau dödö, ya tobali ami sura Keriso, samaduhu'ö Ya'la ba Lala wa'aurimi sero ma'ökhö, ba mitema (tatema) howuhowu Lowalangi :  
❖ Ya mufahowu'ö ami/ita Lowalangi, Ya murorogö ami/ita  
❖ Ya mufohaga mbawa-Nia Khömi/khöda, Ya mu'ebua'ö dödö-Nia khömi/khöda  
❖ Ya mufalemba hörö-Nia khömi/khöda, Ya mube'e wa ohahau dödö khömi/khöda fefu. Yaduhu
- SATO** : Manunö BZ.Numero 256 ayati 3  
**256. YESU SO' AYA ZONDROROGÖ 1**  
do = bes, 4/4  
MM = 88 - 96  
3. Yesu So' aya sondrorogö, he falukha wanandraigö.  
Ya' ia zondrara tödö, Yesu So' aya zondrorogö.  
*Reff.* Ba wanörö ulidanö, ....
- SH** : YA'AHOWU  
**SATO** : YA'AHOWU